



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectae

Sandini, Antonio

Bambergae, 1753

CXII. Stephanus V. Anno Christi 885. Caroli Crassi 6. Basilii Macedonis 19.

[urn:nbn:de:hbz:466:1-65464](https://nbn-resolving.org/urn:nbn:de:hbz:466:1-65464)

CXII.

STEPHANUS V.

ANNO CHRISTI 885.

CAROLI CRASSI 6. BASILII
MACEDONIS 19.STEPHANUS V. Hadriani filius,
Romanus, sub finem Septembris

Bar. an. 885. §. 1. 9. 14. Pag. 3. 2. 3.

invitus tanto consensu, quanto quisquam alius antè, Pontifex est declaratus, & Caroli Crassi inconsulto consecratus. (1) Datis ad Basilium Orientis Imperatorem litteris, Marinum decessorem suum, ut supra est dictum, defendit, atque suavit, ut

Bar. an. 886. §. 1. 15. 18. 26. 27. 28. Pag. §. 3. 4.

Photium haberet pro damnato. (2) Has litteras, Basilio mortuo, accepit filius ejus & successor Leo cognomine *Sapiens*, seu *Philosophus*: quibus permotus Photium contrulit in cœnobium, & Stephanum fratrem suum in locum ejus sufficiendum curavit. (3) Quoniam verò lex erat sancita, quæ vetabat, ne sacris Ordinibus à Photio initiati eveherentur ad gradum altiore Ecclesiasticæ dignitatis, idcirco rogatus est Pontifex, ut illum lege exsolutum creari permitteret Episcopum Constanti-

no.

nopolitanum. Non consensit in id Stephanus, incertus, a motusne esset Photius Episcopatu, an ipse se ultrò abdicasset. Illud enim scripserant Episcopi, hoc Imperator. Ita quidem magnâ consideratione suspendit iudicium, ne probasse eo modo Photii restitutionem videri posset, non renunciacionem illius, sed ejectionem potius tam ab Imperatore, quam ab Episcopis expectans audire. (4) Idem Pontifex ^{Bar. an. 890. §. 7.} sustulisse dicitur purgationem, quæ candenti ferro & ferventi aquâ fiebat. (5) Vidonem Ducem Spoletanum, suum adoptione filium, & occupato Longobardorum Regno clarum, *universa hortante Italiâ* anno 891, Romam accivit, & IX. Kal. Martii creavit Imperatorem, qui ut se Pontifici gratum praberet, privilegia ac dona à Pippino Rege, Carolo, & Pio Imperatoribus Romana Ecclesia data probavit. (6) Eodem anno 891, sexto, ex quo regnare cœperat, exeunte mense Septembri Stephanus obiit.

ANNOTATIONES.

(1) Est id in Annalibus editis à Lambecio tom. 2. Bibliothecæ Casaræ pag. 356. Ex quo *intelligimus*, ait Pagius ad an. 385. §. 3.

§. 3. *verum esse, quod Sigonius anno superior affirmavit, Hadrianum nempe III. decreto suo statuisse, Ut Pontifex designatus consecrari sine presentia Regis, aut Legatorum ejus posset: alioquin Cleverus Romanus Stephanum V. contra decretum Eugenii II. usumque receptum, sine presentia Legatorum Imperialium ordinari non permisisset.*

(2) Vide annotat. 2. ad Marinum I.

(3) Tali modo extinctum est schisma Orientalis Ecclesiae, inductum per Photianam Pseudo-Synodum, nec revixit ante Michaelē Cerularium, quem anno 1043. Constantini Monomachi favor extulit ad Episcopatum Constantinopolitanum. Postquam Photius expulsus est, nulla mentio ejus invenitur apud Historicos. Illam in Ecclesiae communionem jam restitutum obisse, affirmant Græculi nonnulli, quos refellit Allatius lib. 2. De Ecclesiae Occident. & Orient. perpetua consensione cap. 5. & Natalis Alexander in Hist. Eccl. Sec. IX. & X. dissertat. 4. §. 28.

(4) Baronius ad an. 886. §. 18.

(5) Apud Gratianum 2. quaest. 5. cap. *Consulisti* 20. ex Stephani V. epistola ad Humbertum Episcopum Moguntinum. *At inter epistolas Stephani V. ut animadvertit Zegerus Bernardus Van Espen Juris Ecclesiastici universi part. 3. tit. 8. §. 32. nulla reperitur epistola Episcopo Moguntino inscri-*

pta

pta, nec alia, cui hoc decretum insertum. Uo
proinde & hoc Decretum admodum sus-
pecta fidei habeatur, praesertim quod, si
hujusmodi Responsum Pontificis eo tem-
pore emanasset, illud vulgaribus hisce
purgationibus, quae eo tempore maximè
frequentabantur, indubiè oppositum fuis-
set, quod tamen non legitur.

Ille autem purgabat se de crimine, in
ejus venerat suspicionem, qui illæsus fer-
rum candens manu contrectaret, vel ma-
num in aquam ferventem immitteret sine
detrimento.

(6) Sigonius De Regno Italiae lib. 6. ad
an. 891. pag. 227.

Ita antiquum Italiae Imperium post mul-
tas ac diras impressiones gentium externa-
rum Itali receperunt. Vide Pagium ad an.
892. §. 2.

CXIII.

FORMOSUS.

ANNO CHRISTI 891.

VIDONIS I. LEONIS

SAPIENTIS 6.

FORMOSUS Leonis filius, verè
religione, divinarumque Scriptura-
rum & doctrinarum scientiâ illustris,

(1) à Portuensi Episcopatu ad Ro-
manum anno 891. translatus est, Bar. an.
891. §. 3.

(2) primusque ex Episcopo Pontifex
sum-